

C'houi 'zo bet labourer, eul labourer gailoudek,
Ha dre hoan ho tiouvec'h ho peus bet ho para ;
Aman ez eus ivez labourerien kalonek ;
Grit ma n'o do morse dienez a netra.

Pedit, o Sant FiaKr ! evit holl dud ar barrez :
Evit ar vugale, an fadou, ar mammou.
Grit ma vevint atao e peoc'h hag e levez
Ha na vo en o zi na trubuilh na daelou.

Grit d'eomp, Tad benniget, derc'hel da feiz hon Tadou
Ha heulia penn-da-benn gourc'hemennou Jezuz
Neuze, goude ma an draontenn a ganvou,
Ganeoc'h er baradoz a Baro dudus.


BASTIEN

Imprimerie
24 Ebrél 1931
P. JOSSEUR



GWERZ SANT FIAKR

PARREZ GWENGAD



war don : *Sainte Religion*

*O Sant FiaKr, hon Tad,
Schaout hep dale
Peñ na ho pugale.*

*O Sant FiaKr, hon Tad,
Eus lein ar baradoz
Skuilhit warnomp bennoz.
Gwengad ho kar ato,
Ha laouen a ganô
Meuteudi d'hoc'h hano. (ter).*

1

Ganet e bro ar Skos, ha mab hena d'ar roue,
Gant Konan, eskob Sor, c'houi vos skoliet abred :
Gantan c'houi a zeskas anaout ha karout Doue,
Ha disprizout a-grenn plijadurioù ar bed.

2

Evit pellaat buan diouz an enorioù kaera,
Eus a balez ho tad c'houi a dec'has e-kuz,
Hag a zeuas e Frans gant hoc'h c'hoar santel, Sira,
Da vevañ sioul ha paour, unanet gant Jezuz.

Eürus ar vugale a gav, e-tal o c'havel,
 Kerent ha mistri fur da urzia o c'halon :
 Ne vint ket touellet gant maged ha gant avel ;
 Poania 'raint da c'hqunit an eürusted gwirion.

Sant Faron, eskob Mô, ken mat, ken anavezet,
 A rôas d'eoc'h ho taou hervez ho menozioù :
 Hoc'h c'hoar en em glozas en eun ti leanezed,
 Ha c'houi en eul lochenn, e dounder ar c'hoajou.

Eno, c'houi a renas an dalyoudusa buhez,
 Evel ma lavar d'eomp skridou an amzer goz :
 Ar bedenn, al labour, gant pinijenn didruez,
 Setu hoc'h oberou, hag en deiz hag en noz.

Eno, c'houi a savas eur chapelig d'ar Werc'hez :
 Rak c'houi a gare kalz an Itron Varia ;
 Eno, tud ankeniet a yeulas ho madeléz :
 Rak c'houi 'gave atao an tu d'o diboania.

Evit kaout peadra da rei d'an dud reuzeudik,
 C'houi labouras douar e-kichen ho lochenn ;
 N'ho poa damant ebet quz ho taouarn kizidik,
 Ha diouz ho tal seder e strinke ar c'houezenn.

Faron a rôas d'eoc'h, da greski ho liorzig,
 An dachenn a c'hélljec'h da gloza en eun de :
 Raktal, war an douar, c'houi a ruzas eur vazig,
 Ha, dre ma tremenec'h, eun and a zigore.

Piou a laro pet paour ganeoc'h a zo bet maget,
 Ha da bet kalon geiz ho peus réntet ar joa ?
 Piou 'laro pet klanvour o deus kavet ar yec'hed,
 Dindan ho torn santel savet d'o benniga ?

Ho korf a voe taget gant eur c'hlenved donjerus,
 Pa zevas tud ho pro d'ho kouleñn da roue ;
 A-vec'h ma oant tec'het, — o-tre méurbet burzudus ! —
 Ho korf, koulz ha biskoaz, a voe yac'h adarre !

O kentel duñius ! C'houi, Fiakr, mab eur roue,
 Adal ho yaouankiz ho peus karet ar boan,
 Hag, evit kemer perz e Pasion Mab Doue,
 Ho peus kastizet rust ho korf tener ha glan.

Ho puhez ken santel, ken leur a binijennou,
 D'an dud a blijadur didroidell a lavar :
 Pinijenn ! pinijenn ! rak, evit mont d'an Nenvou,
 Eo ret da bep-hini tremen dre ar C'halvar.